



Sumáriu:

Atividade Parlamentu Nasionál fulan Setembru 2020

Introdusaun

JSMP monitoriza diariamente atividade Parlamentu Nasionál nian. Atividade prinsipál sira Parlamentu Nasionál nian mak reuniaun plenária no Komisaun Espesializada Permanente sira-nian no fiskalizasaun ba programa no atividade Governu nian.

Reuniaun plenaria hala'ó iha Segunda-feira no Tersa-feira, reuniaun Komisaun sira-nian hala'ó iha Kuarta-feira no Kinta-feira no fiskalizasaun hala'ó iha Sesta-feira. Reuniaun plenária, aleinde plenária normál, iha mós plenária extraordinária. Reuniaun plenária extraordinária hala'ó ses husi oráriu reuniaun plenaria normál nian.

Hahú husi 1 to'ó 14 Setembru, Parlamentu Nasionál sei iha períodu resesaun no iha períodu ida ne'e, Parlamentu Nasionál funsiona de'it ho Komisaun Permanente. Komisaun ne'e kompostu husi deputadu sira ne'ebé nomea husi bankada parlamentár sira mak hanesan Bankada Fretilin, CNRT, PLP, KHUNTO, PD, FM+UDT no PUDD ho total membru hamutuk 27. Reuniaun Komisaun Permanente ne'e nian depende ba asuntu no la funsiona regulár.

Parlamentu Nasionál foin hahú funsiona plena iha 15 Setembru 2020 ho abertura ba sesaun lejizlativa datoluk husi Lejizlatura V Parlamentu Nasionál nian

Atividade Komisaun Permanente

Komisaun Permanente ne'e funsiona iha períodu ne'ebé Parlamentu Nasionál iha situaun disolvildu, iha sesaun intervallu ka resesu Parlamentu nian no iha situaun ka kazu sira seluk ne'ebé prevee iha Konstituisaun hanesan prevee iha provizaun pontu 2) Artigu 102 Konstituisaun

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

info@jsmp.tl

Facebook: www.facebook.com/timorleste.jsmp

Twitter: @JSMPtl

RDTL (K-RDTL) no Artigu 38 Lei Nú. 15/2009 kona-ba Rejimentu Parlamentu ne'ebé altera ho Lei Nú. 1/2016. Komisaun ne'e iha kompeténsia própria hanesan prevee iha provizaun pontu 3) Artigu 102 K-RDTL no Artigu 40 Lei Nú. 15/2009 kona-ba Rejimentu Parlamentu ne'ebé altera ho Lei Nú. 1/2016.

Tuir observasaun JSMP nian, atividade Komisaun Permanente kontinua funsiona ho di'ak, efektivu no produtivu, mezmuke iha reuniaun plenária balun deputadu sira husi bankada opozisaun balun la partisipa. JSMP mós observa katak Komisaun ne'e la hasoru problema no dezafiu iha hala'o nia knaar durante tempu metade fulan Setembru nia laran.

Reuniaun plenaria Komisaun Permanente husi 01 to'o 14 Setembru 2020

a) Plenaria 02 Setembru 2020

Reuniaun plenaria Parlamentu Nasionál 02 Setembru 2020 ho agenda diskusaun mak hanesan tuir mai ne'e:

- Intervensaun diversuas husi deputadu sira.
- Informasaun husi Ministru Asuntu Parlamentár no Komunikasaun Sosiál kona-ba kestaun sira ne'ebé deputadu sira levanta iha plenaria.
- Aprovasaun ba pedidu konvokatóriu husi Prezidente Repúblika kona-ba Pedidu Deklarasaun Estadu Emerjénsia.

Intervensaun disversu deputadu sira

Iha intervensaun diversu husi deputadu sira ko'alia kona-ba:

- Razaun saida mak justifika ba Estadu hodi Governu kontinua mantein Estadu Emerjénsia (EE).
- Timor-Leste la iha transporte Aero durante Estadu Emerjénsia hodi difikulta tebes pasiente sira ne'ebé atu halo tratamentu ba rai li'ur tanba ekipamentu saúde iha ne'e la iha nune'e labele halo tratamentu.
- Bee-moos sei falta la'ós ba de'it iha área rurál, maibé mós iha Dili laran iha bairu barak sei falta bee-moos.
- Eskolla fatin sira iha suku sei menus fasilidade hodi difikulta estudante no profesór sira halo sira nia knaar ho di'ak.
 - Komunidade iha suku Maluru la asesu ba hetan asesu ba eletrisidade.
- Estrada ligasaun suku iha Postu Saibada aat no difikulta comunidade sira la asesu ba merkadu inklui bee moos iha área ne'ebá susar ba komuniadade atu asesu no tanba ne'e husu ba Governu atu fo antensaun hodi hadi'a estrada no asesu ba bee moos iha sira sira-nia fatin refere.

- Postu Laleia, Suku Cairui comunidade sira husu atu hadi'a irigasaun hodi bele fornese bee ba comunidade sira iha suku refere atu bele halo natar no fasilidade eskolla iha suku refere menus no husu Governu atu hadi'a.
- Deputadu sira husu atu hadi'a estrada ligasaun Lospalos ba Iliomar liga Watukarbau no estrada liga Laga ho Baguia.
- Husu Ministériu Agrikultura no Peska (MAP) atu hadi'a irigasaun mota Bebui no irigasaun sira seluk ne'ebé agora dadaun at ona inklui halo Dam bee nian hodi asigura bee moos no bee ba agrikultura sira atu hasa'e produsaun.
- Husu mós atu fasilita no hadi'a kualidade produsaun agrikultura sira nian liuliu liga ho produsaun hortikultura hodi bele inkoraza comunidade sira badinas prodús no Governu fasilita merkadu ba faan ho folin ne'ebé adekuadu.
- Deputadu sira mós husu ba Governu atu hadia uma comunidade nian no eskola sira ne'ebé hetan estragus husi anin boot hodi bele fasilita comunidade no estudante sira labele hela iha udan laran iha tempu udan.
- Husu ba Ministériu Edukasaun atu selu profesór kontratadu sira iha Baukau ne'ebé nia saláriu iha fulan Janeiru seidauk simu.

b) Plenaria 3 Setembru 2020

Iha reuniaun plenaria 03 Setembru 2020 nian, Komisaun Permanente Parlamentu Nasionál aprova Lei Nú. 8/2020 kona-ba autorizasaun renovasaun deklarasaun Estadu Emerjénsia bazeia ba Dekretu Prezidente Repúblika Nú. 59/2020 atu bele nafatin antesipa no prevene Covid-19 nia da'et mai Timor-Leste¹.

c) Plenaria 4 Setembru 2020

Iha reuniaun plenaria 04 Setembru 2020, Komisaun Permanente Parlamentu Nasionál konvoka reuniaun plenaria hodi halo serimónia rituál hodi hatuur hikas fali Meza Parlamentu Nasionál. Seremónia rituál ne'e hetan partisipasaun husi lia na'in sira ne'ebé representa Munisípiu 12 no Reziaun Administrativa Espesiál Oekusi Ambeno (RAEOA).

Iha reuniaun plenaria no seremónia ritual ne'e, deputadu sira husi bankada CNRT la partisipa no razaun katak presiza buka tuir no hadi'a tiha uluk fukun ne'ebé kauza meza to'o rahun ne'e mak foin bele halo ritual hatuur hikas fali meza.

Atividade Parlamentu Nasionál hahú husi 15-30 Setembru 2020

Tuir provizaun pontu 1) Artigu 45 Lei Nú. 15/2009 kona-ba Rejimentu Parlamentu ne'ebé altera ho Lei Nú. 1/2016 prevee katak sesaun lejizlativa iha nia durasaun tinan ida ne'ebé hahú iha 15 Setembru no remata iha 14 Setembru tinan tuir mai. Nune'e, iha 15 Setembru 2020, Parlamentu Nasionál Lejizlatura V hahú hikas fali sesaun lejizlativa datoluk nian nian.

Reuniaun plenaria sira husi 15 to'o 30 Setembru 2020 hanesan tuir mai ne'e:

¹ Bele haree detallu husi lei no dekretu PR nian ne'e iha Jornál Repúblika online: http://www.mj.gov.tl/jornal/public/docs/2020/serie_1/SERIE_I_NO_36_B.pdf

a) Plenaria 15 Setembru 2020

Iha reuniaun plenaria 15 Setembru 2020, Parlamentu Nasionál Lejizlatura V hahú sesaun lejizlativa datoluk. Abertura ba sesaun lejizlativa ne'e hala'o husi Prezidente Repúblika, Sr. Dr. Francisco Guterres Lu'Olo.

Iha reuniaun plenaria ne'e, Bankada Partidu Polítika CNRT hato'o deklarasaun polítika relaciona ho legalidade Prezidénsia Meza Parlamentu Nasionál no Governu VIII nian. Nune'e, bainhira lee tiha deklarasaun polítika, membru deputadu sira husi Bankada CNRT retira (*walkout*) ka sai husi plenaria hodi la partisipa iha diskursu abertura Prezidente Repúblika, Dr. Francisco Guterres "Lu'Olo"².

Asuntu sira ne'ebé Prezidente Repúblika, Dr. Francisco Guterres "Lu'Olo" foti iha nia diskursu mak polémika kona-ba konstitusionalidade no legalidade VIII Governu Konstitiuonál nian tanba orsamentu Estadu la pasa liga ho Artigu 112 pontu 2 nia interpretaun no dezafiu ne'ebé nasaun hasoru iha tinan 2019/2020 ligadu ho dezastre naturais no pandemia COVID-19. Parte seluk, Prezidente Repúblika mós husu deputadu sira atu debate ho krítiku, nakloke, onestu nu'udar meu ida ne'ebé konstrutivu ba hametin páz, unidade nasional no integridade no bele refleta atu hatan ba nesesidade no interese povu nian.

Aleinde ne'e, iha reuniaun plenaria ne'e, Prezidente Parlamentu Nasionál, distintu deputadu, Sr. Aniceto Longuinhos Monteiro apresenta planu Parlamentu nian hodi harii edifísiu Parlamentu Nasionál nian.

b) Plenaria 16 Setembru 2020

Iha 16 Setembru 2020, Parlamentu Nasionál halo reuniaun plenaria PN estraordinária ho nia agenda diskusaun mak hanesan tuir mai ne'e:

Iha período antes ordem do dia:

- Leitura ba mensajen Prezidente Repúblika nian kona-ba Promulgasaun Lei Medida Prevensaun no Kombate Korrupsaun no veta Dekretu Lei Parlamentu Nasionál kona-ba Protesaun Sivil.
- Votu pezar ba matebian Tomas Correia Oliveira "Oli Lemorai" ho rejultadu votasaun pasa ho votu sira afavór 59, kontra 0 no absteisaun 0 husi total deputadu na'in 59.

Ordenm do dia:

- Anunsiu ba admisaun hodi baixa ba komisaun B Proposta Lei ba primeira alterasaun ba Lei Defeza Nasionál.

² Bele haree JSMP nia komunikadu imprensa relaciona ho asuntu ne'e: https://jsmp.tl/wp-content/uploads/PrBankadaCNRTWalkOuthusiPN_TETUM.pdf

- Anúnsiu no admisaun hodi baixa ba Komisaun B proposta rezolusaun kona-ba akordu serbisu iha aero entre Australia ho Timor-Leste.

Diskusaun no votasaun ba projetu deliberasaun kona-ba Konstituisaun ba Komisaun Especializada Permanente.

- Anunsiu ba admisaun hodi baixa ba Komisaun C Proposta Lei Orsamentu Jerál Estadu ba tinan 2020. Meja Parlamentu Nasionál liuhusi Prezidente Parlamentu Nasionál Dr. Aniceto Guterres intrega Proposta Lei Orsamentu Jeral Estadu ba tinan 2020 ba Prezidente Komisaun C Sra. Angêlica Rangel ne'ebé kaer Asuntu Finansa Públika hodi halo apresiasaun komisaun ba proposta refere antes tama ba vota jeneralidade no tempu ba Komisaun C halo apresisaun 24 oras.
- Prezidente Parlamentu Nasionál mós halo anúnsia no admisaun hodi baixa ba Komisaun B Proposta Lei ba primeira alterasaun ba Lei Defeza Nasionál no proposta rezolusaun kona-ba akordu serbisu iha aero entre Australia ho Timor-Leste.
- Diskusaun no aprovasaun ba projetu deliberasaun kona-ba Konstituisaun ba Komisaun Especializada Permanente ho nia rejultadu votasaun, afavór 53, kontra 0 no absteisaun 2 no projetu ne'e pasa ho hadi'a nia redasaun ba membru komisaun especialidade sira balun ne'ebé sei tuir konkordánsia entre bankada CNRT ho bankada Fretilin.

c) Plenaria 17 Setembru 2020

Parlamentu Nasionál iha 17 Setembru 2020 halo reuniaun plenaria extra-ordinária ho nia ajenda mak hanesan:

- Dikusaun no Votasaun ba Pedidu Urjénsia Governu kona-ba Proposta Lei Orsamentu Jerál Estadu 2020.

Iha diskusaun ba pedidu urjénsia, Ministru Finansas justifika katak pedidu ba prioridade no urjénsia ba deputadu sira hodi apresia proposta Lei Orsamentu Jerál Estadu tinan 2020 ne'e ho intensaun atu normaliza hikas ezekusaun orsamentu no hasa'e hikas kresimentu ekonómika nasaun nian ne'ebé afetadu husi situasaun pandemia Covid-19 no inklui mós atu atende nesesidade sira ne'ebé konsidera prioridade hodi hala'o mákina Estadu nian no mós selu kompromisu ba projetu sira ne'ebé Estadu asume ona.

Deputadu sira liuhusi Komisaun C ne'ebé trata ba Asuntu Finansas Públiku iha sira-nia paraser ba pedidu ida ne'e konsidera importante no urjénsia duni tanba ne'e justifikadu hodi sai hanesan baze fundamentál ba deputadu sira Komisaun C hodi halo aprovasaun ba paraser ba pedidu ne'e hodi submete ba plenaria ho votu unanimidade husi totál deputadu na'in 13.

Diskusaun iha plenaria deputadu sira konsidera pedidu Governu nian justifikadu ho nune'e deputadu sira sujere de'it atu ajenda sira ba diskusaun no audénsia públiku entre Komisaun Especializada Permanente sira ho membru Governu sira. Deputadu sira husu atu membru Governu sira tenke kumpre ajenda hodi bele aselera prosesu no justifika

gastu sira ba programa orsamentu tinan 2020 ho di'ak hodi bele konverse deputadu sira atu vota.

Rejultadu votasaun ba pedidu ida ne'e aprova ho votu sira afavór 54, kontra 0 no abstein 7, husi total deputadu presente nain 61.

Total proposta dotasaun Orsamentu Jerál Estadu ba tinan 2020 hamutuk milliaun USD\$1.497.100 ho kategoria sira mak:

- Saláriu Vensimentu Milliaun USD\$206.694
- Bens Servisu Milliaun UDS\$499.341
- Transferénsia Públika Milliaun USD\$568.730
- Kapitál Minór Milliaun USD\$8.933
- Kapitál Dezenvolvimentu Milliaun USD\$213.402

d) Plenaria 21 Setembru 2020

Parlamentu Nasionál, iha 21 Setembru 2020 halo reuniaun plenaria ho nia ajenda diskusaun mak hanesan tuir mai ne'e:

- Justifikasaun falta husi deputadu Duarte Nunes no Terezinha Viegas.
- Karta informasaun kona-ba delegasaun deputadu Arão Noe de Amaral ba Komisaun Especializada ba asuntu sira Infrestrutura.
- Debate ho Governu kona-ba progresu ezekusaun orsamentu 2020 nian.

Debate ho Governu kona-ba progresu ezekusaun orsamentu 2020 nian

Iha apresenta kona-ba progresu ezekusaun orsamentu estadu 2020 nian hala'o husi Ministru Finansas akompañia ho Ministru Asuntu Parlamentar e Komunikaun Sosial, Ministru Saúde, Ministru Negósiu Estranjeru no Kooperasaun no Vise Ministra Finansa. Ministru Finansa haktuir katak nia parte mai hato'o esplikasaun nu'udar orbigasaun konstitusionál nu'udar órgaun ezekutivu kona-ba ezekusaun orsamentu durante príodu duodesimál no durante príodu vizijénsia ho nia dotasaun sira liga ho fundu Covid-19 iha tinan 2020.

Husi 01 Janeiru - Agostu 2020, valór orsamentu ne'ebé distribui ona ba instituisaun sira mak ho nia valór milliaun USD\$954.5 no gasta ona mak milliaun USD\$479.3 ho nia kategoria sira mak hanesan tuir mai ne'e:

- Saláriu vensimentu milliaun USD\$123.3.
- Bens serbisu milliaun USD\$151.3.
- Kapitál minór milliaun USD\$2.2.
- Transferénsia públiku milliaun USD\$ 60.5 no kapitál dezenvolvimentu milliaun USD\$120.8 no despeza sira urjénsia inprevistu iha fundu reserva ho valór milliaun USD\$10.6.

Husi despeza sira refere hetan finansiamentu husi reseitas doméstika milliaun USD\$117.4, Transfereinsia Fundu Petreoliu milliaun USD\$316.8, tau iha tezeru milliaun USD\$364.2. Nune'e valór total ezekusaun orsamentu duodesimaál hahú fulan 1 Janeiru to'o 31 Agostu 2020 hamutuk milliaun USD\$ 479.3.

e) Plenaria 29 no 30 Setembru

Iha reuniaun plenaria 29 no 30 Setembru 2020, Parlamentu Nasionál halo diskusaun no aprova paraser sira Komisaun Especializada Permanente Parlamentu Nasionál. Bazeia ba relatóriu paraser ne'e, Parlamentu Nasionál halo diskusaun no aprovasaun ba proposta Lei Orsamentu Jerál Estadu (OJE) 2020 nian iha jeneralidade no especialidade molok tama ba aprovasaun finál globál.

Reuniaun plenaria Parlamentu Nasionál iha Tersa-feira lorokraik dia 29 Set 2020 ho nia ajenda diskusaun mak hanesan:

“Diskusaun no Aprovasaun ba Projetu de Rezolusaun n. 59 /V (3ª) Kona-ba Orsamentu Privativa Parlamentu Nasionál ba tinan 2021”.

Prioridade planu orsamentu Parlamentu Nasionál nian ba tinan 2021 mak hadia administrasaun iha Parlamentu Nasionál ho efetivu liutan, intensifika fiskalizaasaun deputadu sira nian ho kualidade no hadi'a edifísiu Parlamentu Nasionál.

Iha diskusaun deputadu sira kestiona kona-ba tabela reseita orsamentu Parlamentu nian iha tinan 2020 ne'ebé la tau iha tabela orsamentu 2021 no mós proposta adisionál sira kona-ba subsidiu pulsa telemóvel ba funsionariu tékniku apoiu Komisaun Especializada sira.

Iha parte seluk, deputadu sira mós husu atu tinan 2021 tenke halo poupanza ba administrasaun, redúz viazen ba estrangeiru no hasa'e fiskalizaasaun ba viazen lokál no mós hadi'a viatura sira inklui tau orsamentu ba iha konstrusaun edifísiu foun PN nian ne'ebé tanba edifísiu ida agora la iha ona espasu ba sira atu hala'o serbisu ho di'ak.

Aprovasaun iha jeneralidade ba projetu rezolusaun ne'e pasa ho votu afavór 39, kontra 0 no abstensaun 19 husi total deputadu presente 58.

Rejultadu votasaun finál globál ba Projetu Rezolusaun Nu.59 /V (3ª) Kona-ba Orsamentu Privativa Parlamentu Nasionál ba tinan 2020 ho votu afavór 41, kontra 0 no abstein 8 husi deputadu presente na'in 49. Deputadu hirak ne'ebé vota absteinsaun mak mai husi deputadu sira bankada CNRT.

Orsamentu Privativu Parlamentu Nasionál nian ba tinan 2021 ho nia total orsamentu miliaun USD\$16,984,006, alokadu ba iha kategoria orsamentu mak hanesan Saláriu Vensimentu USD\$5,581.203, Bens Serbisu miliaun USD\$6,250,029, Transferénsia

Públiku milliaun USD\$1,660,203, Kapital Minor USD\$ 492,796 mil, no la iha orsamentu ba verba Kapital Dezenvolvimentu miliaun USD\$3.000.

Reuniaun Komisaun A Parlamentu Nasionál

Reunian Komisaun Espesializada hahú husi 23 – 28 Setembru 2020 halo audénsia ho ministériu no instituisaun públika sira Estadu nian kona-ba OJE 2020 ne'ebé aloka ba entidade relevante sira.

Iha audénsia públika kona-ba OJE 2020 nian ne'e, Komisaun A Parlamentu Nasionál (PN) hala'o ho membru Governu inklui instituisaun Estadu sira seluk ne'ebé partense ba área kobertura Komisaun relativamente ba asuntu konstitusionál no justisa.

Órgaun no instituisaun públika estadu nian hirak ne'e mak halo audénsia ho Komisaun A PN ho nia tabela planu proposta orsamentu ba tinan 2020 mak hanesan tuir mai ne'e:

- Prezidénsia Repúblika ho nia total orsamentu milliaun USD\$6,044 ba kategoria orsamentu mak hanesan Saláriu Vensimentu rihun USD\$996,000.00, Bens Serbisu milliaun USD\$ 4,961,000.00, Transferénsia Públika USD\$53,000.00, Kapital Minor USD\$34,000.00, no la iha orsamentu ba verba Kapital Dezenvolvimentu.
- Gabinete Primeiru Ministru ho nia total orsamentu milliaun USD\$ 5,700 ba kategoria orsamentu mak hanesan Saláriu Vensimentu USD\$340,000.00, Bens Serbisu milliaun USD\$1,893, Transferénsia Públika milliaun USD\$3,387, Kapital Minor USD\$80,000.00, no la iha orsamentu ba verba Kapital Dezenvolvimentu.
- Gabinete Fundu Apoiu Sosiedade Sivíl aloka de'it ba verba Transferénsia Públika ho nia montante orsamentu hamutuk milliaun USD\$3,387 no orsamentu ba verba sira Saláriu no Vensimentu, Bens no Serbisu, Kapital minor agupa hotu iha orsamentu Gabinete Primeiru Ministru nian.
- Ministru Estadu Prezidénsia Konsellu Ministru ho nia total orsamentu milliaun USD\$3,807 ba kategoria orsamentu mak hanesan Saláriu Vensimentu milliaun USD\$506, Bens Serbisu milliaun USD\$3.302, no la iha orsamentu ne'ebé alokadu ba verba sira iha Transferénsia Públika, Kapital Minor no Kapital Dezenvolvimentu.
- Ministru Asuntu Parlamentár no Komunikasaun ho nia total orsamentu milliaun USD\$4,368 ba kategoria orsamentu mak hanesan Saláriu Vensimentu USD\$884,000.00, Bens Serbisu milliaun USD\$1.693, Transferénsia Públika milliaun USD\$1,790, la iha osan alokadu ba verba Kapital Minor no Kapital Dezenvolvimentu.
- Ministru Administrasaun Estatal ho nia total orsamentu milliaun USD\$14,568 ba kategoria orsamentu mak hanesan Saláriu Vensimentu milliaun USD\$3,630, Bens

Serbisu milliaun USD\$2,471, Transferénsia Públiku milliaun USD\$8,441, Kapitál Minór USD\$25,000.00, no la iha osan alokadu ba verba Kapitál Dezenvolvimentu.

- Ministériu Justisa ho nia totál orsamentu milliaun USD\$11,609 ba kategoria orsamentu mak hanesan Saláriu Vensimentu milliaun USD\$4,614, Bens Serbisu milliaun USD\$6,459, Kapitál Minór milliaun USD\$343,000.00, no Kapitál Dezenvolvimentu milliaun USD\$.194, 000.00 no laiha osan alokadu ba verba Transferénsia Públiku.
- Orsamentu espesifiku ba Defensoria Públiku ho nia totál orsamentu milliaun USD\$1,408 ba kategoria orsamentu mak hanesan Saláriu Vensimentu milliaun USD\$1,272, Bens Serbisu milliaun USD\$49,000.00, Kapitál Dezenvolvimentu milliaun USD\$88,000.00 no laiha osan alokadu ba verba Transferénsia Públiku no Kapitál Minór.
- Sentru Formasaun Jurídika no Judisiária ho nia totál orsamentu alokadu USD\$128,000.00 ba kategoria sira mak hanesan Saláriu Vensimentu USD\$102 no Bens no Serbisu USD\$27,000.00 no laiha alokasaun orsamentu Transferénsia Públiku, Kapitál Minór no Kapitál Dezenvolvimentu. Ministériu Justisa alokadu milliaun USD\$1,5 iha Fundu Dezenvolvimentu Kapitál Umanu atu fasilita serbisu sentru formasaun hodi finansia atividade formasaun liuliu rekrutamentu ba formadór sira no seluktan.
- Tribunál ho nia totál orsamentu alokadu milliaun USD\$4,925 ba kategoria orsamentu mak hanesan Saláriu Vensimentu milliaun USD\$2,941, Bens Serbisu milliaun USD\$1,984 no laiha orsamentu alokadu ba verba Transferénsia Públiku no Kapitál Minór no alokasaun orsamentu tribunál nian ba Kapitál Dezenvolvimentu milliaun USD\$13,000,000 husi fundu infrestrutura ba verba plurianuál nian. Osan hirak ne'e alokadu ba konstrusaun edifísiu tribunál nian ne'ebé agora dadaun iha prosesu konstrusaun hela.
- Ministériu Públiku ho nia totál orsamentu alokadu milliaun USD\$4,084 ba kategoria orsamentu mak hanesan Saláriu Vensimentu milliaun USD\$1,904, Bens Serbisu milliaun USD\$1,609 no laiha orsamentu alokadu ba verba Transferénsia Públiku no Kapitál Minór, entertantu verba Kapitál Dezenvolvimentu alokadu USD\$572,000.00 ba pagamentu konstrusaun edifísiu filiál Ministériu Públiku iha Lospalos no edifísiu Gabinete Kriminalidade ba krime korrupsaun no krime organizadu nian.
- Polísia Sientifika Investigasaun Kriminál (PSIK) ho nia totál orsamentu alokadu USD\$545,000.00 kategoria orsamentu mak hanesan Saláriu Vensimentu milliaun USD\$211,000.00, Bens Serbisu milliaun USD\$334,000.00 la iha orsamentu alokadu ba verba Transferénsia Públiku, Kapitál Minór no Kapitál Dezenvolvimentu ba PSIK iha tinan 2020.
- Provedoria Direitu Umanu no Justisa (PDHJ) ho nia totál orsamentu alokadu milliaun USD\$1,156.00 ho kategoria orsamentu mak hanesan Saláriu Vensimentu rihun USD\$741,000.00, Bens Serbisu rihun USD\$415,000.00 no laiha alokasaun orsamentu ba verba transferénsia públiku, Kapitál minór no Kapitál dezenvolvimentu ba PDHJ iha tinan 2020.

- Komisaun Anti Korrupsaun (KAK) ho nia totál orsamentu alokadu milliaun USD\$1,072 ho nia kategoria orsamentu mak hanesan Saláriu Vensimentu rihun USD\$773,000.00, Bens Serbisu rihun USD\$298,000.00, la iha orsamentu alokadu ba verba Transferénsia Públiku, Kapital Minór no Kapital Dezenvolvimentu.
- Komisaun Funsan Públiku (KFP) ho nia totál orsamentu alokadu milliaun USD\$2,240 ho nia kategoria orsamentu mak hanesan Saláriu Vensimentu milliaun USD\$1,170, Bens Serbisu milliaun USD\$1,071 no la iha orsamentu alokadu ba verba sira Transferénsia Públiku, Kapital Minór no Kapital Dezenvolvimentu.
- Komisaun Nasionál ba Eleisaiun (CNE) ho nia totál orsamentu alokadu milliaun USD\$7,276.00 ho nia kategoria orsamentu mak hanesan Saláriu Vensimentu rihun USD\$785,000.00, Bens Serbisu milliaun USD\$490,000.00, Transferénsia Públiku milliaun USD\$6.000.000.00 no laiha alokasaun orsamentu ba Kapital Minór no Kapital Dezenvolvimentu.

Iha audénsia ne'e, Komisaun A husu instituisaun públiku Estadu nian sira hodi apresenta sira nia planu orsamentu ba tinan 2020 no rezultadu ezelesaun orsamentu husi Janeiru to'o Agostu 2020 no mós progresu no dezafiu sira ne'ebé instituisaun sira enfrenta durante ezelesaun orsamentu duodesimál nian.

Konkluzan no rekomendasaun

Parlamentu Nasionál, iha períodu resesu no períodu inísiu sesaun lejizlativa datoluk funsiona ho di'ak no efektivu, mezmuke iha dezentendimentu polítiku entre partidu polítiku iha Governu no partidu polítiku opozisaun.

Nune'e, JSMP rekomena atu Parlamentu Nasionál kontinua prátika no atitude di'ak ne'e iha futuru atu bele promove no hasa'e produtividade serbisu Parlamentu nian.